

◎詩歌十九首

夭壽靜的春天

四月燒風，
吹過彼欖老粿仔樹。
巴拉松的空罐仔，
佇風中唱歌…

今年春天，
稻仔無病蟲，
柳丁、棧仔早弄花，
可惜找無蜜蜂做媒人。
四界看無水雞影、
聽無斑鴿咕咕咕的聲。
蝶仔、金龜、田嬰…
一隻一隻毋知飛去佗藏？



圳溝仔邊，
鯽仔、溪哥魚，
無緣無故翻了白肚。
一葩葩福壽螺的卵，
沿著水路淚開紅色恐怖。

穀雨，
無雲無雨。
發袂出雜草的田岸，
有揸噴霧器的老人，
隱疇、喘嗽巡過。
這是一個夭壽靜的春天。

巴拉松的空罐仔，
佇風中唱歌…